

元始无量度人上品妙經卷之三十

斷絕胎根閉塞死尸品

道言昔於始青天中紫清玄洞五明華宮受元始度人斷絕胎根閉塞死尸无量上品元始天尊當說是經周回十過以召十方始當詣座天尊大神上聖高尊神霄玉清真王太上消魔王清神王扶桑青華帝君後聖金闕帝君萬天帝主無鞅數眾乘空而來飛雲丹霄綠輿瓊輪羽蓋垂蔭流精玉光五色鬱勃洞煥太空九日九夜諸天日月星宿璇璣玉衡一時停輪神風靜默山海藏雲天無浮翳四氣朗清一國地土山川林木緬平等無復高下人皆悟道成法土變作碧玉無有異色眾真侍座

道藏輯要

度人妙經

卷

角集六
八十一

元始天尊玄坐翠浮瓊璿靈陽寶座之上說經一徧萬天帝君同時稱善稽首再拜咸得見道是時一國男女死者復生生者悟道說經二徧鳥獸介蟲皆得長生說經三徧四時平和無有寒暑說經四徧星宿日月天界停住無復東行說經五徧疾病沉痾並獲痊瘥說經六徧地土平正祇塵自潰說經七徧五行皆一混合天成說經八徧娠胎皆出芽蘗甲拆已生未生立獲生成說經九徧善惡無迹心歸正化說經十徧華夷一等無有邪僻是時一國是男是女莫不傾心皆受護度咸得長生道言是時元始天尊說經一徧東方扶桑青華洞境至真大聖無鞅之眾淨空而至說經二徧南方赤靈陽光洞元至真大聖

無鞅之眾浮空而至說經二徧西方素景皓靈洞扶至真大聖
無鞅之眾浮空而至說經四徧北方玄靈至妙洞化至真大聖
無鞅之眾浮空而至說經五徧東北上靈通理洞妙至真大聖
無鞅之眾浮空而至說經六徧東南鎮靈體元洞神至真大聖
無鞅之眾浮空而至說經七徧西南耀靈瑩空洞徹至真大聖
無鞅之眾浮空而至說經八徧西北華靈統化洞遠至真大聖
無鞅之眾浮空而至說經九徧上方神靈普變洞觀至真大聖
無鞅之眾浮空而至說經十徧下方靜靈化生洞慧至真大聖
無鞅之眾浮空而至十徧周竟十方無極天真大聖一時同至
一國男女傾心歸仰來者有如黃霧蔽密瑞煙雜沓無鞅之眾

道藏輯要

度人妙經

卷

角集六

又又又

進國一半土皆偏陷非可禁止於是元始內發心光外飛神氣
上出泥丸火光輝耀徧於十方天界然後收光返照歸本聚氣
變成寶珠狀若露圓去地億數萬丈元始登引天真大神上聖
高尊諸天帝主十方无極至妙神靈大聖無鞅數眾俱入寶珠
之中天人仰看惟見勃勃從珠口中入既入珠口不知所在國
人廓散地還平正地復元色無復碧玉元始即於寶珠之內說
經都竟眾真監度以授於我當此之時喜慶難言法事粗悉諸
天復位倏忽之間寂無遺響是時天人遇值經法普得長生全
其本年無有天傷傾土歸仰咸行善心不妄不貪不滿不盈不
傾不敗不去不來不住不見心無妄想身無邪欲齊同慈愛異

骨成親國安民豐欣樂太平經始出教一國以道預有至心宗奉禮敬皆得度世

道言元始天尊說經中所言並是諸天上帝至靈神王內境妙道變仙化形隱祕之音亦是上帝內諱萬神之隱名也非世上之常辭上聖已成真人通玄究微能悉其章誦之十過諸天遙唱萬帝設禮河海靜默山嶽藏雲日月停景璇璣不行羣魔束形鬼精滅爽回屍起死白骨成人至學之士誦之十過則五帝侍衛三界稽首萬神護法百靈祐身濟度垂死絕而得生所以爾者學士穢氣未消體未洞真以制十方威未制天政德可伏御地祇束縛魔靈但爲常文未通微妙卽卻死而已不能更生

道藏輯要

度人妙經

卷

角集六

輕誦此章身則被殃供養尊禮門戶興隆世世昌熾與善因緣萬災不干神明護門斯經尊妙獨步玉京度人无量爲萬道之宗巍巍大範德難可勝

道言凡誦是經十過諸天齊到億會萬祖幽魂苦爽皆卽受度飛昇朱宮皆得鍊形受化更生復爲至人而好學至經功滿德就皆得神仙飛昇金闕遊宴玉京也上學之士修誦是經皆卽受度飛昇南宮中學之士修誦是經無有生滅去來快樂得陞仙籍下學之士修誦是經卽得神魂爽利疾病消除住世長年此經微妙普度無窮一切天人莫不受慶無量之福生死蒙惠上天所寶不傳下世至士齋金寶效心盟天而傳輕泄漏慢殃

及九祖罪及爾身長有天官侍香五帝玉童玉女各二十四人營衛神文保護受經者身

道言正月長齋誦詠是經死尸立閉胎根斷滅形神微妙飛昇南宮七月長齋誦詠是經身得神仙諸天書名金簡玉符召魂通微得獲長生十月長齋誦詠是經爲國王帝主君臣父子安鎮國祚保天長存道玄不絕永斷劫運安鎮其方民稱太平八節之日誦詠是經得爲九宮真人本命之日誦詠是經魂神澄正萬氣長存不經苦惱身有光明三界侍衛五帝司迎萬神朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十六

道藏輯要

度人妙經

卅

角集六
川又止

通上聞三十六天心拜三十六過閉目靜思身坐紅黃紫三色雲氣之申內外翳冥有青龍白虎朱雀玄武獅子白鶴羅列左右日月映照光耀洞空洞煥天地頂生圓象遍滿十方如此分明密呪曰

无上玄元太上道君召出臣身中三五功曹左右官使者侍香玉童傳言玉女五帝直符直日香官各三十六人關啟所言今日吉慶長齋清室修行至經无量度人願所啟上徹徑御无上三十二天元始上帝至尊几前

畢

引炁三十二過東向誦經

元始无量度人上品妙經

元始大洞徊風混合本章上品妙首萬變度人千真隱韻離合自然太極玉文洞神上真元始祖劫開化諸天尊闢陰陽是生萬彙自然大道上無色界下無色根虛無渺漠惟道爲身五文開廓普植神靈無文不顯無文不靈無文不動無文不明無文不化無文不成是爲上清玉晨之天九霄梵氣藥笈靈臺金闕玉京上極無上大羅聖境虛无寥廓若隱若存七景華房九變龍庭昌明玉閣紫微天霏純陽梵氣遍徹十方中有南極長生大君中有玉清消魔神王中有扶桑青華帝君中有好生韓君丈人中有南宮度人解厄定命天尊中有南極宮中慈仁通化

道藏輯要

度人妙經

主

角集六

真君回骸起死无量度人今日校錄諸天臨軒

東方无極青華神王長生大聖无量度人
南方无極赤靈神王長生大聖无量度人
西方无極素景神王長生大聖无量度人
北方无極玄妙神王長生大聖无量度人
東北无極保命神王長生大聖无量度人
東南无極集慶神王長生大聖无量度人
西南无極寶輪神王長生大聖无量度人
西北无極梵氣神王長生大聖无量度人
上方无極橫天神王長生大聖无量度人

下方无極鎮壘神王長生大聖无量度人

十方至真威德神王長生度世无量大神並乘飛天六龍雲輿
九華寶輦翠蓋雕輪毛節朱幢驂駕鸞鳳跨馭金龍建降魔辟
非五方靈節持除禍賜福四神靈旛前嘯靈璈汎景後吹簫瑟
齊鳴獅子白鶴嘯唳噫噫太乙侍從真王翊軒億仙萬眾從空
而來迎衛寶駕恭慶靈音統法持文諸天靈魔上相主宰天真
神王南昌上官韓司主錄監生大神執錄把籍齊到帝前隨所
應度嚴校諸天普告三界無極真王神霄玉府扶桑華宮三清
九霄億兆天界百萬仙國上解祖考億世萬劫惡籍罪簿消滅
惡根不得拘留道合仙真元始符命普率九垓南靈火光度越
道藏輯要

度人妙經

圭

角集六

靈魄北府真符解脫幽魂神王保舉超生南宮死魂受鍊仙化
成人生身受度劫劫長存隨劫輪轉與天齊年鍊屍聚氣保護
胎仙內境汎光定息收玄永斷死尸纏鍊幽關超凌三界逍遙
上清上清之天天帝玉真神霄之境梵行

東方九天

重華文朝天

帝照汎叨景

六晨汎景天

帝定玄耀明

至真極瑤天

帝浮羅永延

上靈元化天

帝大元辰并

曲鼎號都天

帝勝金生光

瓊瑛汎景天

帝有提辯論

七晨扶明天

帝苑育飛衡

推虛動神天

帝昔齊浮黎

樂化自宥天

帝冕更容曦

南方九天

晃朗赤梵天

帝元競錦霓

惠正輝奉天

帝擁愛加吟

妙音飄颻天

帝號施幸綿

華離正定天

帝呼立機成

宣景六虛天

帝整婆阿貪

道藏輯要

度人妙經

三

角集六

化形度敬天

帝勃負攷真

龍希幾遍天

帝從扶鄉輕

陽廓曠晞天

帝緬移神機

錦文絢赫天

帝景束梵甯

西方九天

皓渺舒蕩天

帝握林俯極

倏颺始平天

帝影浮金華

落塵普盛天

帝執翁施零

藥庭皇威天

帝粵拂思誠

元舉星瓊天

帝顯加膺象

龍政委恩天

帝運嘉玄康

快樂敷變天

帝欲化無根

逍遙請福天

帝豁落行夷

旻景扇颺天

帝動鬱蒼題

北方九天

玄明證赤天

帝石育俯昌

遠揚綠霄天

帝浮纏方漢

元漠誓訓天

帝順通兮凝

臨蒞物成天

帝日羅景輪

政理分化天

帝範擲俱重

道藏輯要

度人妙經

吉

角集六

誘黎永勝天

帝拱越林夷

馥明大普天

帝嚴度丹霞

續區廣蒙天

帝棟零延祺

玉元淵淨天

帝景大羅長

三十六天三十六帝諸天隱祕萬天隱名天中玉文大梵靈章
三天密諱天中神音天帝高尊天真神王上相大魔靈文玉音
回風混合鍊屍飛昇無量之奧深不可詳守雌抱雄是為神真
普度天人今日欣慶受度歷關諸天請滅三惡斬絕地根飛度
死戶名列真仙魔王監舉無拘天門東斗監生西斗除殃北斗
輔靈南斗化魂中斗成真總監眾靈青帝育生白帝守神赤帝

精華流暢血穢殄平上納下奔死道未降赤霞遶繞瓊漿混迎
之和下合自然成眞胎根既存道成正生根斷乃仙名列南宮
父母胎孕化體成形散之卽氣聚之有名聚散爲根斷之長存
與道合眞天機祕密洞徹萬靈三天龍篆元始玉文赤書玉字
錦符朱囊洞妙汎景保劫運延梵氣彌羅萬範開張元綱流演
三十六天輪轉無色周回十方璇景歷機回度五常三十九氣
總禦一身八方冥合氣勝乃生玄中妙理斷絕胎根死尸週密
得道成仙汎景太霞嘯詠洞章金眞朗郁流響雲營玉音攝氣
靈風聚煙紫虛鬱秀輔翼萬仙歸正合符鍊之見眞眞中有神
長生大君消魔神王紫微元君無英公子高玄眞人執符把籙

道藏輯要

度人妙經

夫

角集六
八三

保命生根上遊上清出入液房明梁之內神化之中下鎮人身
絕塞死根結胎五氣混合百神七世回靈萬眞靈輝神風颭粲
仙道貴生无量度人上開生門飛天法輪日月植根安固黃庭
宿命因緣普受開度仙化生眞身得受生上聞諸天諸天之上
貴此仙門中有大洞消魔之章玉清靈篇道御高眞
第一高上神霄玉清王靈祕之音

元始浩劫

玉清靈文

迷塗悟解

洞徹眞空

天仙所慎

祕久不通

斷絕死尸

直入生門

三屍殄滅

五斗束魂

血化成精

反此神嬰

七祖受庇 百神咸甯 出有人無
安鎮黃庭 上保泥丸 中理玄津
下流丹田 百關息封 內體充溢
我道乃成

第二太上消魔玉清王隱韻之音

天之大隱寶 明梁塞下戶 慎之祕元都

結胎卻生死 守雌抱真一 是為長生路

斷絕生死根 持握九命門 仙庭回九變

神聚反嬰童 上無億劫祖 惟道化爾身

顯顯三境文 過之即神邱 披雲散紫煙

道藏輯要 度人妙經 七七 角集六

離合由景輪 禁戒非可言 流光聚泥丸

正氣召萬神 滅屍七孔陰 神華耀日英

三素飄雲營 回風扶晨景 真源六虛靈

太微轉日月 度魂飛玉京 混沌生太漠

故曰玄歌音

第三扶桑青華帝君歌曰

萬象化體 百神歸根 物備乃靈

惟形與身 大道之本 是為玄精

內觀即見 外境隱停 守此上道

保生長存 默誦萬過 混合天成

血穢斷除

消滅惡根

仰徹仙位

超度南宮

迷悟不解

永沉鬼倫

天籍祕語

丹華杳冥

南和握節

北極守靈

金氣入三界

玉髓通九門

帝一混合真

無顯亦無明

此三界之上玉文之中真王歌音音參洞章誦之百徧名度南宮誦之千徧斷絕死門萬徧道備飛昇太空過度三界位登仙公有聞神音千真祐形救制地祇侍衛送迎拔出地戶五苦八難七祖升天受事九宮魂度朱陵鍊屍更生是謂无量普度無窮有祕上天文諸天共所崇世慢墮地獄禍及七祖翁

道藏輯要

度人妙經

夫

角集六
XOL

道言此二章並是諸天上帝及至靈神王玉清真王隱祕之音皆是大梵之言非世上常辭言無韻麗曲無華宛故謂玄奧難可尋詳上天所寶祕於神霄玉清王府東壁經室華堂依玄科六萬劫一傳若有至人齎金寶質心依舊格告盟三天然後而付焉

道言夫天地運度亦有否終日月五星亦有虧盈至聖神人亦有休否未學之夫亦有疾傷凡有此災同氣皆當以已鍊形受化濟度十過轉經移神駐氣復得更生无量之文普度无窮道言夫未學道淺或仙品未充死尸未閉胎根尙存連應滅度身經太陰臨過之時同學至人爲其開神敷經攝氣傳道以度

屍形如法魂神經上南宮隨其學功計日而得更生輪轉不惑
便得神仙

道言夫天地運終亦當修齋行香誦經星宿錯度日月失昏亦
當修齋行香誦經四時失度陰陽不調亦當修齋行香誦經國
主有災兵革四興亦當修齋行香誦經疫毒流行兆民死傷亦
當修齋行香誦經同學命過亦當修齋行香誦經夫齋戒誦經
功德甚重上消天災保鎮帝王下禳毒害以度兆民生死受賴
其福難勝故曰無量普度天人

道言凡有是經能為天地帝主兆民行是功德斷絕生死超凌
仙宮有災之日發心修齋燒香誦經十過皆諸天記名萬神侍

道藏輯要

度人妙經

卷

角集六
川白名

衛右別至人尅得為聖君金闕之臣諸天記人功過毫分無失
天中魔王亦保舉爾身得道者乃當洞明至言也

諸天中回風混合隱語无量音

道君撰

元始靈書中篇

東方九天

華明會奇

耀魔赫奕

玄精散妙

絳英綠飛

禮俯呼嘉

汎屏境宜

馥郁洞杳

回禦泛輕

靈標煥麗

蕩蔚薈陵

納污成灑

慶集霄零

尙佳那育

冒曲萬京

叨回景鬱

伐緬沉煙 翼紀角纏 六度虛玄

南方九天

嚴俱慕因 光捍香披 赫火吞霞

梵氣九疑 攝機汎陶 龍遍赤旗

枝離亢鬱 林峯內希 慶眇雲羅

玉附化屍 停升霽表 揆徹永延

澤遠紅輪 覆明持圓 廓藹敬連

繡落明機 定察并房 大液浮黎

西方九天

定希交粹 宛陵咎基 靡恪凡潤

道藏輯要

度人妙經

全

角集六
川三又

幸施緣離 指益繁影 靄雅同遲

空蕩嚙訥 干施惠文 托落標由

尋蘇延施 潰綠首辯 力轉回真

迎照童直 倚母幾瑛 皓仰塗府

彼億真庭 究本知源 翼生浮靈

北方九天

坤符握節 炳煥太霄 摘兌侵氏

擇邈玄標 都浮偏漠 冰翦虛林

既魄見素 齊叱封吟 渠因劫奕

晏勳加明 綱演覆壁 闡發輝停

執符煥麗

賂神保甯

氣氤紫秀

顯微徹升

通神妙空

徑曉成人

道言此諸天中大梵隱語无量之音琅書玉文皆龍文丹篆寶
篋玉函祕於東華堂金縷寶花瓊瑤浮光萬象神藏之中神霄
玉清真王扶桑青華帝君皆知其音以傳其文能齋而誦之者
諸天皆遣飛天神王持經神吏下觀其身書其功勤上奏諸天
萬神朝禮地祇侍門玉清消魔神王保舉上仙道備尅得超度
玉京升入金門此音無所不通無所不降無所不度無所不成
天真自然之音也故誦之致飛天下觀上帝遙唱萬神朝禮三
界侍軒五帝侍迎鬼精自亡琳琅振響十方肅清河海靜默山
道藏輯要

度人妙經

全

角集六
1183

嶽吞煙萬靈振伏招集羣仙天無氛穢地無祲塵冥慧洞清大
量立玄也

角集六音釋

脆俗脆字音羸

小粟易斷也

蕩音弱

草名

弁餅平聲也

蹠音拔

長

跪也

霽

古文陰字

架

音彌

眩

音珉

和也

珏

音覺

骼

音格

禽

獸骨也

喙

魚容切音顯

柰

音姝

果名

篋

音巢

樂器

統

音眺

裏

音嫻

道藏輯要

度人妙經

三

角集六
三十三